



TOSHKENT DAVLAT YURIDIK UNIVERSITETI REKTORINING BUYRUG‘I

24.05.2024

80-um-son

Toshkent davlat yuridik universitetining 2024/2025 o‘quv yili uchun qabul komissiyasi faoliyatini tashkil etish to‘g‘risida

O‘zbekiston Respublikasi Prezidentining 2021-yil 24-dekabrda “Davlat oliy ta’lim muassasalarining akademik va tashkiliy-boshqaruv mustaqilligini ta’minlash bo‘yicha qo‘shimcha chora-tadbirlari to‘g‘risida”gi PQ–60-son qarori hamda O‘zbekiston Respublikasi Vazirlar Mahkamasining 2017-yil 20-iyundagi “Oliy ta’lim muassasalariga o‘qishga qabul qilish, talabalar o‘qishini ko‘chirish, qayta tiklash va o‘qishdan chetlashtirish tartibi to‘g‘risida”gi nizomlarni tasdiqlash haqida”gi 393-son qaroriga asosan, Shuningdek Toshkent davlat yuridik universitetiga 2024/2025 o‘quv yilida o‘qishga qabul qilishni sifatli tashkil etish maqsadida,

BUYURAMAN:

1. 2024/2025 o‘quv yili uchun Toshkent davlat yuridik universitetiga talabalarni o‘qishga qabul qilish bo‘yicha qabul komissiyasining (keyingi o‘rinlarda – qabul komissiyasi) tarkibi ilovaga muvofiq tasdiqlansin.

2. Qabul komissiyasi (A. Xashimhonov):

qabul komissiyasi faoliyatini to‘g‘ri tashkil etib, qabul jarayonlari ustidan nazoratni amalga oshirib borsin;

qabul komissiyasiga jalb etilgan xodimlarning vazifalarini aniq belgilasin;

abituriyentlar va ularning ota-onalariga qabul jarayonlari bo‘yicha ma’lumotlar berib borilishini tashkil etsin;

fuqarolarning og‘zaki va yozma murojaatlariga o‘z vaqtida asosli javob berilishini ta’minlasin.

3. Jamoatchilik va OAV bilan aloqalar bo‘limi:

qabul jarayoniga oid yangiliklar, ma’lumotlar va e’lonlarni ommaviy axborot vositalari, shuningdek ijtimoiy tarmoqlar va universitetning Internet saytida e’lon qilib borilishini;

uch kun muddatda universitetga xorijiy talabalarni keng jalb etish maqsadida universitet haqida promorolikning ikkita tilda (rus va ingliz tillarida) qayta

tayyorlanishini hamda ularni ommaviy axborot vositalari, shuningdek Internet saytlari va ijtimoiy tarmoqlarda tizimli ravishda namoyish etilishini;

qabul komissiyasi a'zolari va universitetning boshqa xodimlarining qabul jarayonida amalga oshirilayotgan ishlar bo'yicha ommaviy axborot vositlarida chiqishlarini tashkil etsin.

4. Mazkur buyruq ijrosini nazorat qilishni o'z zimnamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Bo‘lim boshlig‘i

A.NORQULOV



Kelishildi:

Ilmiy ishlar va innovatsiyalar
bo‘yicha prorektor

B.XODJAYEV



Moliya-iqtisod ishlar bo‘yicha
prorektor

A.IMINOV



Bo‘lim boshlig‘i

S.MAMANAZAROV



yuriskonsult

D.ALIBOYEV

